

ԱՏԼԱՆՏԱՅԻ ՆՈՐԱԿԱԶՄ ՀԱՅ ՀԱՄԱՅՆՔԸ

Բաւական երկար ատեն է որ հայեր գտնուել են Ատլանտա ~~ը~~ քաղաքը, Ամերիկայի Միացեալ Նահանգներու՝ հարաւ-արեւելեան շրջանի տնտեսական եւ ֆինանսական կեդրոնը: Դժբախտաբար, մինչեւ առջի տարին (1980) Ատլանտայի հայ համայնքը անկազմակերպ մնացած էր, բացի ատեն ատեն դաշտահանդէսներ եւ այլ ընկերային հաւաքոյթներ սարքելէն: 1980 դեկտեմբեր ամսուն, Հայաստանեաց ~~Եկեղեցւոյ~~ Եկեղեցւոյ կղեր մը՝ Հայր Սուրբ Սուրբաբեանը Ատլանտա այցելեց եւ համայնքի հայուիւթեան ներկայութեամբ պատարագ կատարելէն ետք, ատենապետեց գաղութի անդրանիկ ժողովին: Այս ժողովին ընթացքին առժամեայ յանձնախումբ մը կազմուեցաւ որուն յանձնուեցաւ հետեւեալ պարտականութիւնները՝ Ատլանտայի հայ համայնքին լրիւ կազմակերպման գործը սկսել եւ ընկերական ու այլ հաւաքոյթներ սարքել: Ուրեմն, այս արեւաշատ եւ յառաջադէմ քաղաքի հայուիւթիւնը իր առաջին քայլը առաւ դէպի աւելի պայծառ եւ բարգաւաճ գոյութիւն:

Նոր կազմուած յանձնախումբը կը հաւաքուի ամիս անգամը եւ կ'արծարծուին ~~հետեւեալ~~ հետեւեալ կարեւոր խնդիրները՝ կանոնադրութեան պատրաստելը, եկամուտի միջոցներու որոնումը, ապագայի ծրագիրներու որոշելը, հայ դպրոցի հաստատումը, ընկերային եւ մշակութային ձեռնարկներու սարքելը եւ վերջապէս՝ համաժողովի ու ընդհանուր քուէարկութեան կազմակերպումը: 1981 տարուայ սկզբնաւոր շրջանի ընթացքին, քանի մը ընկերային հաւաքոյթներ սարքուեցան որ բաւական յաջող արդիւնք ունեցան, թէ ժողովրդական՝ եւ ~~թէ~~ թէ դրամական տեսակէտով: Թերեւս նորակազմ համայնքին ամենադժուար ձեռնարկը իր ապրիլ ամսուն մասնակցութիւնն էր Միջազգային ~~Եկեղեցւոյ~~ *Կրօնապաշտօնի* (ինտերնաշննային ֆեստիվալ) որ նախաձեռնուեցաւ տեղական համալսարանի մը կողմէ: Հայերէն զատ՝ այս հանդէսին մասկացեցան զանազան ազգութիւններու

Կերկայացուցիչները, մէջերնին ունենալով Յոյներ, Չինացիներ, Հնդիկներ, Թուրքեր, Ուկրայինացիներ, Ֆինլանդիացիներ եւ այլն: Մեր հայ համայնքը իր մասնակցութիւնը բերաւ երեք բաժինով — տաղաւարի սարքումով, ~~կերակուցի~~ կերակուրի սեղանի պատրաստութեամբ եւ պարի<sup>կ</sup>ներկայացումով: Ոչ միայն Հայերուն՝ այլ նայեւ միւս ներկաներուն յայտնի եղաւ որ մեր մասնակցութիւնը խոր տպաւորութիւն ձգած էր ամէնուն վրայ:

1981 տարուայ սեպտեմբեր ամսուն՝ յանձնախումբի ~~հովանաւորութիւն~~ հովանաւորութեան տակ գումարուեցաւ ընդհանուր համաժողով, նպատակ ունենալով նոր կոմիտէի մը ընտրութիւնը: Ընտրուեցան եօթը հոգի՝ հետեւեալ պաշտօններով. ատենապետ՝ Արմէն Կարապետեան, գանձապահ՝ Սերոժ Նազարեան, արձանագրութեան քարտուղար՝ Ադրինէ Ռիչարդ, թղթակցութեան քարտուղար՝ Նէնսի Դիբոյեան, ընկերային հաւաքոյթներու վարիչ՝ Սիլվա Դեքմեզեան, հասարակութեան հետ յարաբերութիւն մշակող՝ Մէրի Ափելեան — Դիլըն, մշակութային ձեռնարկներու տնօրէն՝ Արա Դոսթուրեան: Սոյն ժողովի մեծամասնութեան քուհով ~~վավերացուեցաւ~~ վավերացուեցաւ կազմակերպութեան նոր պատրաստուած կանոնագրութիւնը: Նոյն ժամանակին կազմակերպութեան պաշտօնական ան<sup>ու</sup>անը որոշուեցաւ — «Դը Արմինիըն Ինդիպենդենտ Կըլչըրըլ Ասոսիէյշըն ըվ Ատլանտա» (Ատլանտայի Հայկական Ինքնագլուխ Մշակութային ~~Ընկերութիւն~~ Ընկերութիւն):

Սեպտեմբերի համաժողովէն ի վեր նոր յանձնախումբը քանի մը նստաժողով գումարած է, որուն ընթացքին որոշ կարեւոր խնդիրներ արծարծուած են: Առաջնակարգ ուշադրութիւն յատկացուած է տարուայ գործունէութիւններուն յայտագրի կամ ~~պլանի~~ պլանի պատրաստութեան: Մրազրուած են զանազան ընկերային հաւաքոյթներ (խնճոյք, ճաշկերոյթ, դաշտահանդէս), հասարակական մասնացութիւններ (միջազգային ցուցահանդէս, միջազգային պարահանդէս) եւ այլն: Այսկէ զատ, հայկական պարախումբի կազմակերպումը սկսուած է

է, եւ որոշ կարեւոր պատրաստութիւններէ ետք ծրագրուած է հայերէն  
դպրոցի բացումը:

Ատլանտահայ նոր կազմակերպութիւնը արդէն իսկ շատ յառաջդիմութիւններ  
կատարած է. բայց եւ այնպէս՝ տակաւին բաւական իրագործելիք ծրագիրներ  
կը մնան: Առաջին կարգին՝ սոսկ անհրաժեշտ է դրամ գումարելու միջոցներ  
որոնել, քանի որ առանց դրամական ապահովութեան որեւէ կազմակերպութիւն  
մը իր գոյութիւնը չի կրնար պահել: Մէկ անգամ որ բաւարար դրամագումար  
մը երաշխաւորուի, այն ատեն կազմակերպութիւնը կրնայ իրագործել զանազան  
ապագայի ծրագիրներ— կեդրոնական շէնքի կառուցում, գրադարանի կազմաւորում,  
հայկական եկեղեցիի հաստատում: Ի վերջոյ, մի գուցէ ամենակարեւոր  
ազդակը ինքնին ատլանտահայ ժողովուրդն է, առանց որուն հոգեկան եւ  
նիւթական օժանդակութեան մեր այս փոքր համայնքը գոյութիւն չէր կրնար  
ունենալ:

ԱՐԱ ԴՈՍԹՈՒՐԵԱՆ՝  
ՄՇԱԿՈՒԹԱՅԻՆ ՏՆՅՐԷՆ

(աւելցնել յօդուածի վեջաւորութեան՝ նոր պարբերութիւն ~~ու~~ սկսելով)

Յանձնախումբի անդամները կը քաջալերեն անոնց որոնք մտադիր են  
տեղափոխուելու ներկայ իրենց բնակած շրջանէն, նկատի ունենալով ~~է~~  
Ատլանտայի բարեխառն կլիման <sup>եւ</sup> քաղաքի տնտեսական առաւելութիւնները,  
լրջօրէն մտածել ~~հոս փոխադրուելու~~ հոս ~~փոխադրուելու~~ փոխադրուիլ: Ատլանտան  
կը համարուի Ամերիկայի երկրորդ լաւագոյն բնակավայրը: